

Brošura za osiguranje korisnika American Express Green i Gold kartica Intesa Sanpaolo Banke

UVODNE ODREDBE

Brošura za osiguranje korisnika American Express Green i Gold kartica je informativnog karaktera i ima namjenu da upozna korisnike predmetnih kartica o osiguranju koje je Intesa Sanpaolo Banka d.d. Bosna i Hercegovina ugovorila s Osiguravačem. Tekst koji slijedi sadrži izvode iz Ugovora i Uslova osiguranja, a ima za cilj da pruži sve neophodne informacije o vrstama osiguravajućeg pokrića i načinu korištenja ugovorenih usluga osiguranja.

Osiguravač: UNIQA osiguranje d.d. Sarajevo

Ugovarač osiguranja: Intesa Sanpaolo Banka d.d. Bosna i Hercegovina

Korisnik kartice: Fizičko lice - rezident

Osiguranik: Korisnici American Express Green i Gold kartica Banke i članovi uže porodice korisnika kartice

Korisnik osiguranja: Lice kome se isplaćuje osigurana suma, odnosno naknada iz osiguranja i to:

- Korisnici kategorije American Express Green i American Express Gold kartica.
- Kod putnog zdravstvenog osiguranja osiguranik može biti svaka fizička osoba koja je korisnik American Express Gold kartice uključujući i situaciju kada je ta karta plaćena bilo osnovnom bilo dodatnom karticom, a putnik je korisnik jedne od tih kartica.
- Kod osiguranja od posljedica nesretnog slučaja za vrijeme putovanja s uključenjem slučaja smrti neovisno o uzroku, osiguranik može biti svaka fizička osoba koja ima prebivalište na području Bosne i Hercegovine i koja je korisnik American Express Green ili American Express Gold kartice.

Osim osoba navedenih u prethodnom stavu, nositelji prava iz osiguranja temeljem korištenja American Express Green i American Express Gold kartica su i bračni/vanbračni drug i djeca osnovnog korisnika prednje opisanih kartica, koju korisnik kartice izdržava, ali ne stariju od 23 godine, pod uvjetom da je njihova putna karta kupljena American Express Green ili American Express Gold karticom osnovnog ili dodatnog korisnika.

Osigurana suma: Gornja granica obaveze Osiguravača po zaključenom ugovoru o osiguranju.

Osigurani slučaj: Događaj na koji se zaključuje ugovor o osiguranju, a čijim nastupanjem nastaje obaveza Osiguravača da isplati ugovorenu naknadu i obezbijedi izvršenje ugovorenih mjera i usluga u inostranstvu.

Naknada iz osiguranja: Novčani iznos koji je Osiguravač dužan da isplati korisniku osiguranja, u skladu sa ovim uslovima, kada nastupi ugovoreni osigurani slučaj.

Asistencija: Skup aktivnosti Osiguravača radi pružanja stručne pomoći osiguraniku kada nastupi ugovoreni osigurani slučaj za vrijeme boravka u inostranstvu.

Asistencijska kompanija: Kompanija koja na osnovu zaključenog ugovora sa Osiguravačem obezbjeđuje izvršenje ugovorenih mjera i usluga u zemlji i inostranstvu po nastalim slučajevima koji su obuhvaćeni ovim osiguranjem.

Repatrijacija: Prevoz osiguranika u zemlju poslije neophodnog liječenja ili prevoz posmrtnih ostataka u zemlju u slučaju smrti osiguranika.

Osiguravajuće pokriće: 24-satno pokriće u periodu osiguranja. Osiguranje je na snazi u svim zemljama svijeta, osim u zemljama u kojima se vodi rat bilo koje vrste.

Osigurani rizici: Kolektivno osiguranje korisnika American Express Green i Gold kartica od posljedica nesretnog slučaja (nezgode) za vrijeme putovanja.

Pregled osiguravajućeg pokrića i osiguranih suma:

1. Kolektivno osiguranje korisnika kartica od posljedica nesretnog slučaja (nezgode) za vrijeme putovanja

Osiguravajuće pokriće	Osigurana suma – Maksimalna obaveza Osiguravača	Vrsta kartice
Smrt uslijed nezgode	10.000,00 KM	American Express Gold i American Express Green
Smrt neovisno o uzorku, izuzev smrti uslijed nezgode	2.000,00 KM	American Express Gold
	1.000,00 KM	American Express Green
Trajni invaliditet uslijed nezgode > 50%	10.000,00 KM	American Express Gold i American Express Green

Prava iz osiguranja od posljedica nesretnog slučaja za vrijeme putovanja izvan i unutar granica Bosne i Hercegovine realizuju se za sljedeće rizike:

- Smrt uslijed nesretnog slučaja do određenog limita;
- Smrt bez obzira na uzrok do određenog limita;
- Trajna invalidnost do određenog limita.

Putovanje će biti pokriveno ako je putovanje između mjesta polaska i konačnog odredišta u skladu s rutom predviđenom na putnim kartama osiguranika. Vremenom putovanja podrazumijeva se:

- vrijeme provedeno u javnom prevoznom sredstvu,
- vrijeme provedeno na putu prema ili iz zračne ili trajektne luke, odnosno željezničkog ili autobusnog kolodvora, ako je putnu kartu za redovnu liniju kupio prije polaska do navedenog odredišta, a ta vožnja je u direktnoj vezi s osiguranim putovanjem,
- vrijeme boravka u zračnoj ili trajektnoj luci, odnosno željezničkom ili autobusnom kolodvoru u prostoru dozvoljenom za boravak putnika ako je taj boravak u direktnoj vezi s ulaskom ili izlaskom iz prevoznog sredstva na osiguranom putovanju.

Osnovni preduvjeti za korištenje prava iz osiguranja od posljedica nesretnog slučaja za vrijeme putovanja temeljem ugovorenog predmetnog osiguranja su:

- da osiguranik koristi licencirani (javni) prevoz na redovnim linijama ili charter letovima i
- da je karta kupljena American Express Green i Gold karticom temeljem koje osiguranik ostvaruje svoja prava iz osiguranja.

Javnim prevozom smatrat će se sva prevozna sredstva u zraku, na tlu ili vodi (osim unajmljenih osobnih vozila) kojima upravlja prevoznik sa službenom dozvolom za putnički promet.

Putno zdravstveno osiguranje

Osiguranik je korisnik American Express Gold kartice, bez obzira na njegovu životnu dob, zdravstveno stanje ili procjenu rizika, ukoliko je korišten licencirani (javni) prevoz i da je karta plaćena sa American Express Gold karticom.

Osiguravač se obavezuje nadoknaditi osiguraniku, koji ima pravo na putno zdravstveno osiguranje, troškove navedene u Uslovima putnog zdravstvenog osiguranja nakon što se utvrdi pravo na isplatu osigurane sume u ukupnom iznosu do 10.000,00 KM.

Za više informacija obratite se na:

- E-mail stanovnistvo@intesasanpaolobanka.ba
- Besplatni info telefon 080 020 307
- Dodite u najbližu poslovnicu Banke.